

萬有文庫

第一集一千種

王雲五主編

美國現代史

孫智輿著

商務印書館發行

美國現代史

孫智輿著

新時代史地叢書

著 典 智 孫

路 南 河 海 上
五 雲 王 人 行 發

路 南 河 海 上
館 書 印 務 商 所 刷 印

埠 各 及 海 上
館 書 印 務 商 所 行 發

版 初 月 二 十 年 二 十 二 國 民 華 中

究 必 印 翻 權 作 著 有 書 此

The Complete Library

Edited by

Y. W. WONG

MODERN HISTORY OF U.S.A.

BY SUN CHIH YÜ

PUBLISHED BY Y. W. WONG

THE COMMERCIAL PRESS, LTD.

Shanghai, China

1933

All Rights Reserved

美國現代史目錄

第一章	美國聯邦之膨脹·····	一
第二章	南北戰爭之前因後果·····	五
第三章	林肯之被害及戰後之統一·····	一三
第四章	南部諸州之再建·····	一四
第五章	戰後之財政與西部之開發·····	一六
第六章	實業之勃興與調節·····	一八
第七章	金銀黨之爭·····	二〇
第八章	國力之充實與美西戰爭·····	二二
第九章	羅斯福之施政·····	二五
第十章	共和黨之分裂與民主黨之新猷·····	二八

第十一章	威爾遜之外交與歐戰·····	三一
第十二章	華府會議軍縮會議中之美國·····	三三
第十三章	經濟會議與美國·····	三九
第十四章	美國最近之復興運動·····	四三
第十五章	拉丁美洲與美國·····	四八
第十六章	美國干涉墨尼諸國·····	四九
第十七章	汎美主義·····	五〇
附錄一	美國歷代總統年表·····	五一
附錄二	美國現勢一覽·····	五四
附錄三	美國領土之擴張·····	六九
附錄四	菲律賓獨立問題·····	七一
附錄五	美國之移民法與中國人·····	七二

美國現代史

第一章 美國聯邦之膨脹

美國依一七八三年九月凡爾塞條約，確定純粹的共和政體。當時之領域，不過十三州，橫亘阿利給尼（Alleghany）山脈之間。其西尚有地域甚廣，美政府以其可供殖民之用，設法收買，直達密西失比（Mississippi）河畔。此廣大區域，自一七八七年至一八二〇年，約三十四年間，漸次歸入版圖。惟東南之佛羅里達（Florida）爲西班牙領土，密西失比河以西，則爲法領魯西安納（Louisiana），而太平洋沿岸一帶地方，則爲墨西哥之疆域。故彼時之美國未足以北美合衆國稱也。

當華盛頓（George Washington）第三次之被選爲總統也，固辭不就，一七九七年飄然隱退，在佛農山（Mount Vernon）之私宅，優遊歲月，至一七九九年無疾而逝。

華盛頓功成身退之日，亞丹士 (John Adams) 被舉爲大總統謝薇森 (Thomas Jefferson) 爲副總統，勵精圖治，擢用人材，國運隆興，蒸蒸日上。嗣謝薇森被舉爲第三任大總統（一八〇一—一八〇九），覺本國國土與強大之法國殖民地魯西安納相接，不能爲所欲爲，頗思相機併合。適法國革命，戰亂多年，財政困乏，復與英國交戰，軍費愈絀，海軍又極微弱，不足以保持其殖民地，謝薇森見有機可乘，遂向法政府商購魯西安納之地，經數次之交涉，遂於一八〇三年四月三十日，以一千五百萬美金購得魯西安納全境，凡九十萬方哩。

厥後拿破崙一世對英實行大陸封鎖，美國船舶頗受損害。美船五百六十隻，爲法擄去，英國更劫美船至九百隻之多。英艦隊在美海岸破壞中立，或封鎖港灣，或非法檢查，或逮捕海員，甚至煽動西印度羣島土著作亂。美國積憤難平，遂於一八一二年六月，對英宣戰，在坎拏大及美國沿海屢次交鋒，美均不利。華盛頓首都一時失守，幸美軍百折不回，終能轉敗爲勝，擊退英軍。至一八一四年，而和議成。

於是美國除魯西安納外，復掩有西佛羅里達之地，欲蠶食佛羅里達半島。適西班牙各殖民地，

羣起謀叛，冀脫羈絆，西班牙政府正疲於奔命。美國第五任總統孟祿（James Monroe）遂乘機向其交涉，於一八一九年二月二十二日，以五百萬美金購買佛羅里達全境（面積約六萬六千六百十二方哩，人口五千餘人），一八二二年改爲佛羅里達州。

當時以肥沃著名之德哈斯（Texas，西班牙語讀X如H），面積三十七萬六千一百三十三方哩，人口十五萬餘，爲墨西哥所有。墨國於一八二一年脫離西班牙而獨立，美國於一八二二年至一八二八年乘墨西哥之危，屢欲收買德哈斯，而墨不應。至一八三六年德哈斯居民之一部分，欲降美國，墨總統韓那（Santa Anna）許其獨立，一面竟向美國請求合併。美國雖因黑奴解放問題，國論沸騰，終不能忘情於德哈斯，遂於一八四五年三月一日併合德哈斯，同年七月派台洛（Taylor）將軍，率隊駐防，以備墨西哥之反抗。

墨西哥知實力不能與美國敵，願以大河（Rio Grande）爲界，互不相侵，而美人則得隴望蜀，至一八四六年，復與墨西哥起釁，墨軍連戰皆敗，至一八四七年九月，墨都失守，翌年二月，作城下之盟，緋瓜達魯碑依達哥（Guadalupe Hidalgo）條約而將橫亘落機山（Rocky Mts.）與太平洋間之

新墨西哥 (New Mexico) 及 加利福尼亞 (California) 兩地，計廣五十二萬六千零時七十八方哩，割讓於美國，並賠償兵費一千五百萬美金。

一八五三年，格達斯頓 (James Gadsden) 以一千萬美金買汲拉 (Gila) 河以南之地，約四萬五千五百三十五方哩。於是加利福尼亞 (California) 內華達 (Nevada) 猶他 (Utah) 科羅拉多 (Colorado) 亞利桑那 (Arizona) 等墨國五省之地，及歪俄明 (Wyoming) 之一部，均歸美國，又俄勒岡 (Oregon) 爲美國與坎拿大爭奪之地，至一八四六年，始協定以北緯四十九度爲境界。

如上所述，則知美國之疆土，乃係逐漸擴張。其擴張也，或以金錢購置，或以武力併吞。除地域種族互異之人民，匯爲一國，其利害情感，自難盡同。益以北部諸州，偏重工業，南部各州，偏重農業，重工則技術工作，須彼白人自任之，重農而得利用黑奴耕作，而彼白人坐食其報。南北白人，之利害苦樂，緣是處於相反之地位，彼此感情不期而漸趨尖刻化矣。且移民之數，日益增多。當一八二〇年，美國人口，僅九百六十三萬八千四百五十三，而同年外來移民，僅二萬，至一八四〇年，移民已有十萬。迨一八四七年後，移民已利二十三萬五千餘，翌年加利福尼亞州，發現金礦，產量甚豐，尤以一八五三

年爲多，竟達六千五百萬美金之鉅，外來移民之數目，更復激增。而以南北人民利害主張之不同，尖銳情感之激蕩，于焉彤形密佈，陰霾四伏，戰爭乃有一觸即發之勢。是故南北戰爭之原因，實南北人民利害及感情之衝突，有以致之也。

第二章 南北戰爭之前因後果

美國南北各組同盟，演成內戰，由於政治的經濟的及社會的意見之衝突，及林肯 (Abraham Lincoln) 總統之當選問題。茲分述於左：

一 政治上之原因 美國聯邦以共和主義爲立國之基礎，未嘗如法國革命時代有各種政治理論之高調。惟北方諸州，鑒於統治權之微弱，流弊滋多。財政部長兼憲法起草員哈密爾頓 (Hamilton) 等，乃組織共和黨，極端主張集權中央，鞏固共和。南方諸州，則鑒於歐洲各國之中央集權政治，往往變爲專制，徒苦人民。國務總理謝薇森等遂組織民主黨，主張實行全民政治。前者務

使一切權力集中於中央政府，後者希冀削減中央政府特權，務將政權分配於各州之人民。兩黨相峙，各不相下。

二 經濟上及社會上之原因 自十九世紀中葉，蒸汽及電氣應用於工業後，美國北方之工業界，忽然面目一新。北方沿海又多良港，貿易航海之業，非常發達。北方諸州，創辦國民銀行，開鑿愛利（Erie）運河，溝通大西洋與愛利湖，制定保護稅則，一方促進製造工業之勃興，一方杜絕外國貨物之輸入，並於一八二八年，通過保護關稅案，以達其目的之一部分。一八四七年起，中央政府對於航行紐約與利物浦（Liverpool）之郵船公司每年給與補助美金八十五萬元，行駛紐約（New York）與布勒門（Bremen）之輪船公司，亦給每年美金二十萬元之補助，又爲助成內地鐵路發達起見，除給發補助費外，復免費頒給土地。故一八三〇年美國僅有二十三英里之鐵路，至一八四〇年已增至三千英里，一九五〇年延長至五千英里。迨一八五三年，紐約市又設票據交易所，以期金融周轉之敏捷，結果北方諸州之商業，更形發達矣。

然南方諸州與北方迥殊，全以農業爲本，役使數百萬牛馬生活之奴隸，耕作數萬頃廣漠肥沃

之田地，栽植米，麥，棉花，咖啡，甘蔗，烟葉之類，是以保護關稅實南人所不欲。南卡羅利那州 (South Carolina) 首先發起，糾合同志，於一八三二年，請願將該法令撤消，主張凡中央公佈之法令，有與各州憲法抵觸者，各州有取消其效力之權。然總統傑克遜 (Jackson) 不以爲然，於是乃與南方諸州互相軋轢，益以奴隸問題，而衝突愈甚，遂至惹起內亂，而不可收拾。

關於奴隸解放問題，夙經華盛頓及謝薇森等再三考慮，故制定憲法時，美政府默認奴隸之進口。至一八〇八年以後，即正式禁止輸入，至一八一五年，禁止奴隸買賣協約成立，英法兩國派遣巡洋艦至非洲沿岸捕拿黑奴船，凡從事於黑奴買賣之船員，以海盜論，輒處以徒刑。其後三十年間，歐洲之志士仁人，提倡解放奴隸，蓋僅禁止賣買，祇能杜絕將來而已，現充奴籍者亦不可不予以解放也。首先實施解放者，爲瑞典（一八四七年）及法蘭西（一七四八年）。然美國南部，專重農業，在役使黑奴，加以紡績機及軋線機等，先後發明，棉花之需要頓增，而奴隸之數，亦多至四百萬，大背人道主義而不顧，甚至籍宗教爲護符，以謀保存奴制，教堂亦承認人口之賣買爲正當，以奴隸制度爲神聖之業務，凡言廢奴者，即背逆神意云。

當時美國北部諸州，大率從事工商業，無使用奴隸之必要。但一方面以莫大之資本取最高之利息，而貸與南部之大農家，將其收穫所得之棉麥等物，運銷各地，藉博巨利，故亦不便提倡廢奴。然至十九世紀後半期，人羣進化，道德發達，野蠻時代之奴隸制度，不但有乖人道，更足以妨礙國家之統一，與社會之進步。北方一部許人士，乃竭力爲奴隸解放之運動。一八二〇年密蘇里（Missouri）併入美境內，奴隸之存廢，已成問題，結果雖仍分用奴隸，而北緯三十六度以北諸州，規定以後永久禁止奴隸。此事稱爲密蘇里信條（Missouri Compromise）云。

其後奴隸解放論日盛。一八三一年一月賈立生（William Garrison）在波士頓市（Boston）發行機關報，攻擊奴隸制度，以爲有解除之必要。至一八三二年，創立廢奴會，勢力漸增，三年之間分會達二百餘所，七年後，多至二千餘處。當此之時，德哈斯加利福尼亞，及新墨西哥等州，聯合要求編入合衆國之州內。州（state）有選舉議員，出席國會，及選舉州知事之權，特區（territory）亦得選出國會議員，無投票權，特區知事由總統選任。南北兩黨，對此發生意見衝突。南部諸州，根據密蘇里信條，主張以北緯三十六度三十分爲界，界以北可廢奴界，以南則不可，旋經費爾莫（Fillmore）

總統之調停，於一八五〇年認加利福尼亞爲州，州內取奴隸解放政策，認德哈斯（De Haas），新墨西哥爲特區，奴隸解放與否，一任地方人民自決，俟他日改爲州時，再行協議決定，此問題始告一段落。未幾，干薩斯（Kansas）及內布拉斯加（Nebraska）兩地，於一八五四年，要求聯邦會議，亦欲列入州內。民主黨員主張取消密蘇里信條，提出議會，經上議院以三十七票對十四票多數可決，下議院以一百十三票對一百票可決，大總統於五月三十日裁可，以法律公佈之，於是奴隸問題得以因地制宜。北部諸州認爲失當，創辦殖民公司，欲將干薩斯地方作爲永久殖民地，三年間送往移民六萬人，以示反對奴隸之制。南北之意見愈鬧愈深，卒至一發而不可收拾。

三 林肯之選舉 一八六〇年十一月六日屆美總統改選之期。南北兩黨，各選出本黨候補人，欲壓倒他黨，兩相對峙，作激烈之運動，開票結果，共和黨之林肯當選，而次多數之得票者，爲民主黨之布立肯勒治（Breckinridge）。林肯向以提倡解放黑奴著名，就職總統時，方五十歲。

先是南方諸洲之盟主南卡羅利那州，早已決定，如本黨落選，即脫離聯邦統治，另組南方同盟。迨林肯於十月六日當選，即爲果斷之處置，於十二月二十日宣告獨立。至一八六一年二月七日，南

卡羅利那，佐治亞 (Georgia) 亞拉巴麻 (Alabama) 密西失比，魯西安納及佛羅里達六州，集會於亞拉巴麻州之孟果梅里 (Montgomery)，以六州合組亞美利加聯邦，制定類似美國之憲法，（惟反對保護關稅及保證奴隸制度之條款大異。）著名奴制主張者台維斯 (Jefferson Davis) 被選爲總統，首都設於里士滿 (Richmond)。嗣維幾尼阿 (Virginia) 北卡羅利那 (North Carolina) 田納西 (Tennessee) 阿肯色 (Arkansas) 德哈斯五州加入。以人口一千五百餘萬（內白人六百餘萬黑人九百餘萬）之南方十一州，與人口二千二百餘萬之北方二十三州（內十九州廢奴四州有奴）相抵抗，造成美國歷史上有名之南北戰爭。

當時南北兩軍，各有長短。北軍優點有四：一、人口衆多，二、物力富裕，軍費易籌，三、糧食充足，四、軍艦既多，且有造船廠，鐵工廠，機器廠，製造廠等，便於軍需品之製作。南軍亦有優點四：一、平日從事耕耘，體格強壯，善耐勞苦，二、火器熟練，三、騎馬之術巧妙，四、得英法兩國之同情。職是之故，雙方勝負，不易豫決。南美國當開戰之初，以爲但求二三小勝利，當可受外國之干涉而停戰，完成獨立之局，乃分三路進軍。北美國以史可德 (Winfield Scott) 將軍爲討敵總指揮，豫定九十日以內，殲滅叛軍。林

肯更召集七萬五千名之義勇軍。一八六一年四月十五日，經議會通過其兵費。

然事有出人意表者，北軍所固守之薩姆脫 (Sumter) 要塞竟於四月十四日失守，七月二十一日華盛頓西南三十哩蒲羅蘭河 (Bull Run) 畔之戰，北軍又敗，人心動搖。北美政府始知平亂之匪易，議會急支出軍費五億美金，募集義勇軍五十萬人，以馬克勒倫 (McClellan) 將軍代史可德將軍督兵，葛蘭德 (Grant) 將軍進兵田納西河畔。一八六二年二月，攻克二三城壘，進據培倫特 (Cumberland) 之城壘，征服坎塔啓州 (Kentucky) 全土，及田納西州之大半，尋以九十餘船編成之艦隊，封鎖南方諸州沿海各要港，遮斷農產物之輸出，與武器被服機械等之輸入，另以兵艦巡視海上，捕獲大小船一千五百隻。迨一八六二年四月二十五日，克復新奧倫斯 (New Orleans)，乃爲南軍之最大損失。南軍至此，喪失密西比河上之交通權矣。

是年九月二十二日，大總統林肯公佈奴隸解放令。自一八六三年一月一日起，各州內之奴隸，無須償還身價，一律編入自由民之列。於是南方各州內之奴隸，相率逃亡歸北，使南軍兵力上，又受一大打擊。然當時法王拿破崙第三 (Napoleon III) 及英國政府，均已承認南美國。且莊士敦

(Johnston)將軍於一八六三年五月三十一日負傷辭職後，南軍總司令爲有名之李易 (Lee) 將軍，故勝利猶難決定。乃是年七月一日至三日，李軍大敗，退至波多麥克 (Potomac) 河之南，北軍葛蘭德將軍，則自七月四日至九日，連克名城，征服密西失比河一帶之地。葛蘭德復聯合北方各軍，於是年十一月二十四五日，大舉總攻擊，佔據田納西州之卡敦奴迦 (Chattanooga) 及亞拉巴麻州 (Alabama) 及大西洋沿岸。一八六四年五月五日及六日，華盛頓西南方華德納斯 (Widerness) 之戰，北軍又復大勝，南軍李將軍倉皇退却，北軍自一八六四年五月至九月二日圍攻阿脫蘭納 (Atlanta)，更入佐治亞州，十二月二十一日佔領薩梵納 (Savannah) 翌一八六五年二月一日，擊破南方莊士敦所率之軍。

南軍勢力日就衰微，李與莊士敦兩軍合併集中全力，於四月二日三日作背城借一之戰，終歸失敗，李將軍逃至阿波麻托克斯 (Appomattox)，是月九日，親率將校士兵二萬八千二百三十一人，降於葛蘭德將軍之門。二十六日莊士敦亦率軍降。南總統台維斯由佛羅里達海岸，欲逃往德哈斯，五月十日在南佐治亞州地方被捕，南北戰爭，於焉告終。台維斯被監禁於孟祿城 (Fort Monroe)